

ՄԵՐ ՀՈՐԵԼՅԱՐՆԵՐԸ

ԱՐՏԱՇԵՍ ԿԱՐԻՆՅԱՆ

(Մեղյան 90-ամյակի առիթով)

Գրական, հրապարակախոսական, քաղաքական և գիտական գործունեության հարուստ ճանապարհ է անցել ակադեմիկոս Արտաշես Բալասիի Կարինյանը՝ Ստեփան Ծառումյանի և Ալյոշա Ջափարիձեի, Վահան Տերյանի և Աշոտ Հովհաննիսյանի սերնդակիցն ու աշխատանքային ընկերը, Բաքվի Կոմունայի կոմիսարը:

Սկսած 1905 թ., երբ դեռևս գիմնազիայի աշակերտն էր մասնակցում էր Բաքվի բանվորական գործադուլներին ու աշակերտական շարժումներին և խմբագրում աշակերտական «ІІабаг» հանդեսը, նրա գործունեությունն անխզելիորեն կապվում է Լենինյան բոլշևիկյան կուսակցության պատմության հետ: 1906 թ. Պետերբուրգի համալսարանի ուսանողը միաժամանակ է մայրաքաղաքի հեղափոխական պայքարի ոլորտները, մասնակցում քաղաքական վեճերին ու հուզումներին, իսկ 1907 թ. ընդունվում է ՌԴԴԲ կուսակցության շարքերը: Նույն թվականին մի խումբ ուսանողների հետ Ա. Բ. Կարինյանը ուղևորվում է Ֆինլանդիա՝ լսելու Վ. Ի. Լենինի զեկուցումը, որը կազմակերպվել էր Պետերբուրգի բոլշևիկ ուսանողության նախաձեռնությամբ:

1910 թ. ավարտելով համալսարանի իրավաբանական ֆակուլտետը, Ա. Կարինյանը վերադառնում է Բաքու և Ստ. Ծառումյանի ղեկավարությամբ հեղափոխական-պրոպագանդիստական աշխատանք տանու Բաքվի բանվորների շրջանում: Նա միաժամանակ հոգավածներով հանդես է գալիս ժամանակի պարբերականների և, մասնավորապես, բոլշևիկյան «Պրավդայի» էջերում: 1913 թ. հեղափոխական գործունեության համար Ա. Կարինյանն արքայադուրս է. Բաքու է վերադառնում միայն Փետրվարյան հեղափոխությունից հետո: Այստեղ նա շարունակում է իր հեղափոխական գործունեությունը և գործում մասնակցություն ունենում Բաքվի Կոմունայի ստեղծմանը: Բաքվի կոմիտեի որոշումով նա խմբագրում է «Известия Бакинского совета РСД депутатом» հանդեսը, ընտրվում է Կոմունայի արդարադատության ժողովրդական կոմիսար:

Կոմունայի պարտությունից հետո Ա. Բ. Կարինյանն աշխատում է Մոսկվայի Ազգությունների Կոմիսարիատին կից հայկական գործերի կոմիսարիատում, որպես բաժնի վարիչ և միաժամանակ խմբագրում «Կոմունիստ» ամսագիրը և «Կարմիր դրոշակ» թերթը: Հայաստանում սովետական կարգերի հաստատումից հետո Ա. Կարինյանը փոխադրվում է Երևան, որտեղ աշխատում է նախ իբրև հանրապետության արդարադատության ժողովրդական կոմիսար, ապա՝ Հայաստանի Կենտգործկոմի նախագահ (1924—1928) և Լուսավորության Ժողկոմի տեղակալ (1929—1930):

Բոլոր այդ տարիներին և հետագայում Ա. Կարինյանն զբաղվել է հրապարակախոսական-լրագրական գործունեությամբ, խմբագրել «Նոր ուղի» (Երևան), «ІІародное хозяйство Закавказья» (Թբիլիսի) պարբերականները, հրատարակել մի շարք գրքեր և բրոշյուրներ, կազմել և ընդարձակ առաջարկումով տպագրել Ստեփան Ծառումյանի «Երկերի» երկհատորյակը (առաջինը՝ սովետական շրջանում):

1921 թ. Ա. Բ. Կարինյանը գործուղվել է ԱՄՆ, որտեղ հայ աշխատավորության համար կարդացել է մի շարք զեկուցումներ և հանդես եկել մամուլում:

1941 թ. Ա. Կարինյանը բացառապես նվիրվել է գիտական աշխատանքին: Նա 1956 թ. ընտրվել է ՀՍՍՀ գիտությունների ակադեմիայի իսկական անդամ:

Որ բնագավառում էլ որ աշխատել է Ա. Բ. Կարինյանը, պրակտիկ հեղափոխական, պետական-քաղաքական, գիտական, գրական կամ հրապարակախոսական,

ամենուր դրսևորել է բուշնիկ քաղաքացու անձնուրաց նվիրվածությունը դեպի գործը, գիտական հսկայական էրուդիցիա, հրապարակախոսի և հոեետորի անբասիր տաղանդ: Նրա աշխատություններն ապշեցնում են հեղինակի հետաքրքրասիրությունների լայն շառավիղով, նրա՝ մարքսիստ հրապարակախոսի աշխարհայացքի և պրակտիկ գործունեության նախանձելի ներդաշնակությամբ:

Ա. Բ. Կարինյանի հրապարակախոսական գործունեությունը սերտորեն կապված է մեր կուսակցության քաղաքական պայքարի հետ նախահեղափոխական տարիներին և հեղափոխությունից անմիջապես հետո: Գիտնականի «Երկերի ժողովածուի» առաջին հատորը (1934 թ.) ընթերցողին է ներկայացնում 1915—1928 թթ. ռուսական և հայ բուշնիկյան մամուլում հրատարակված նրա հրապարակախոսական հոդվածները:

Քաջ գիտակցելով, որ հայ ժողովրդի ճակատագիրն անխզելիորեն կապված է սոցիալիստական հեղափոխության հետ Խուսաստանում և ապա նորաստեղծ սովետական կառավարության հետ, Ա. Կարինյանն ամենօրյա ուշադրության կենտրոնում էր պահում Սովետական Ռուսաստանի առօրյան: Քաղաքացիական կռիվները երկրում, Բաքվի Կոմունայի հերոսական էպոպեան, Անդրկովկասյան Ֆեդերացիան, Խորհրդային Ռուսաստանը և Արևելքը հարցեր էին, որոնք նա լուսաբանում էր ժամանակի մամուլի էջերում («Петербургская правда», «Северная Коммуна», «Խորհրդային Հայաստան», «Заря Востока» և այլն):

1918 թ., երբ հեղափոխությունը նոր էր հաղթանակել Բաքվում, Կարինյանը իր «Ն. Գ. Չերնիշևսկին հեղափոխական իշխանության խնդիրների մասին» հոդվածում, օգտագործելով 1848 թ. հեղափոխական իրադարձությունների առիթով Չերնիշևսկու տված գնահատականները ժամանակի քաղաքական կուսակցություններին, վեր է հանում մեծ մտածողի հոդվածի այժմեական նշանակությունը և ընդգծում հեղափոխական դասակարգի անզիջում պայքարի անհրաժեշտությունը 1918 թ. շիկացած օրերին:

Իր հոդվածներում Ա. Կարինյանը մերկացրել է դաշնակցականների և հայ մեծշնչիկների դիրքորոշումը հայկական հարցում, դաշնակցական կառավարության ասիլկարությունը հայ ժողովրդի կյանքի ճակատագրական պահերին: Այսպես, «Խուսիսիալիստական պատերազմը և Հայաստանը» հոդվածաշարում, որն առանձին բրոշյուրով հրատարակվել է 1925 թ., Կարինյանը մերկացնում է արևմտյան իմպերիալիզմի, «քաղաքակիրթ Արևմուտքի» դերը արևմտահայության ողբերգության մեջ: 1926 թ. տպագրված «Հայ ազգայնականների ուղին» ժողովածուում զետեղված հոդվածներով Ա. Կարինյանը պատասխանել է արտասահմանյան թերթերում հրապարակված այն հոդվածների հեղինակներին, որոնք արդարացնելով դաշնակցության քաղաքականությունը, փորձում էին նսեմացնել բուշնիզմի դերը հայ ժողովրդի փրկության գործում: Այսպես, «Ահարոնյանի «Բաց նամակը Չիչերինին» հոդվածում Կարինյանը պատմական անցքերի գիտական վերլուծումով հանգում է այն հետևության. որ 1920 թ. վերջին «հայ մեծամասնականներն ստանում են դաշնակցներից վերջնականապես քայքայված և արյունաքամ մի երկիր և Ալեքսանդրապոլի պայմանագրի ծանր շրթանները: Մեծամասնականներին հաջողվում է Խորհրդային Ռուսիայի օժանդակությամբ բանդել Ալեքսանդրապոլի պայմանագիրը, ստեղծել ամուր պետություն և սկիզբ դնել հայ ժողովրդի վերածնական շարժմանը»² (ընդգծումը հեղինակինն է):

1928 թ. Ա. Կարինյանը հրապարակում է «Նացիոնալիզմի «Նոր դիրքերը» բրոշյուրը, որտեղ զետեղված հոդվածներում քննարկվում էին այդ օրերի հրատապ քաղաքական հարցերը: Նա հանգամանալից վերլուծության է ենթարկում Հայաստանում սովետական կարգերի հաստատումից հետո արտասահմանյան երկրներում գործող և միջազգային ռեակցիային հարած հայ գրչակների ելույթները: Այս շարքի հոդվածներից բանավիճալին առանձին փայլով է գրված «Հին երգեր» հոդվածը, ուղղված դաշնակցական մամուլի օրգանների դեմ, որոնք

1 Ա. Կարինյան, *Երկերի ժողովածու*, հատ. 1, Երևան, 1934, էջ 103:

2 Նույն տեղում, էջ 274:

գրավարտելով Սովետական Հայաստանի առօրյան, ասպակողմնորոշում էին իրենց ընթերցողներին:

Արտաշես Կարինյանի հոդվածները վեր են հանում հալ մարքսիստ հրապարակախոսի նպատակալաց գործունեությունը, և ցույց տալիս, թե ինչպես բոլշևիկյան կուսակցությանը զինվորագրված հրապարակախոսը, ոչ միայն գրչով, այլև բանիվ իր ողջ գիտակցական կյանքում ծառայել է հարազատ ժողովրդի երջանկության գործին:



Արտաշես Բալասիի Կարինյանն իր հրապարակախոսական գործունեությանը՝ գուգընթաց մեծ ժամանակ է նվիրել և գրականագիտական գրադուրմներին: «Դեմքեր և դեպքեր» (1928), «Գրական արձագանքներ» (1955) և «Գրական-բննադատական հոդվածներ» (1962) ժողովածուներում զետեղված են գիտնականի գրականագիտական և գրական-բննադատական հոդվածները: Ա. Կարինյանն առաջիններից մեկն է հալ մարքսիստ բննադատներից, որ դեռևս իր գործունեության վաղ շրջանում, 1910-ական թթ., վեր է հանել ռեալիստական գրականության նշանակությունը աշխատավորության գաղափարական դաստիարակության գործում, մեծապես օժանդակել հալ պրոլետարական գրականության ստեղծման ու զարգացման պրոցեսին: Դեռևս 1924 թ. տպագրված «Պրոլետարական գրականության մասին» իր արժեքավոր հոդվածում Ա. Կարինյանը բննության է առել պրոլետարական գրականության նոր ձեռքբերումների, զարգացման տեղեկությունների և անցնելիք ճանապարհի հեռանկարների հետ կապված հարցերը: Ծատ հետաքրքրական է, որ խոսելով պրոլետարական գրականության զարգացման ուղիների մասին, Ա. Կարինյանը մեծ շրջահայեցությամբ խոսափում է բացառապես «ֆաբրիկա-գավոդային» թեմատիկայով տարվելու գալթակոությունից և պահանջում, որ պրոլետարական գրողները դիմեն կյանքին, գյուղական թեմաներին, խոսեն պատերազմի և սիրո մասին, «շոշափեն այսօրվա կյանքի բոլոր երևույթներն ու ներհակությունները»: Այս սկզբունքով էլ գրականագետը բննադատում է ֆուտուրիստական ուղղությունը ժամանակի

գրականության մեջ, նոր դասակարգի արվեստը անցյալի ժառանգությունից կտրելու հակապատմական տեսությունը: Ա. Կարինյանն ընդվզում է սովետական գրականությունը դասական գրականության արմատներից խզելու այդ ջանքերի, «զուտ պրոլետարական պոեզիա» ստեղծելու ունակ անպտուղ ճիգերի դեմ: Նա հայ գրողներից ուսուցանում է պրոլետարական գրականության էական հատկանիշը դարձնել ոչ թե դրա՝ արձեւտականորեն ձևված պրոլետարական թեմատիկան, այլ հիմնական գաղափարական հագեցված բովանդակությունը, այն է՝ «հեղափոխական ինտերնացիոնալիզմը, նրա դասակարգային շեշտը և հասարակական ուրույն իմաստասիրությունը»³:

Արտաշես Կարինյանն առանձին ակնարկներ է նվիրել Աբովյանի, Ծիրվան-զադեի, Զարենցի, Տերյանի, Արագու ստեղծագործություններին, մշտապես հետևել հայ նոր գրականության զարգացման ընթացքին. վեր հանել Հոկտեմբերյան հեղափոխության վճռական նշանակությունը հայ մշակույթի և գրականության ծաղկման գործում: «Լոյիշե Զարենցի ստեղծագործական ուղին» հողվածում քննության են առնված Զարենցի վաղ շրջանի պոեզիայի առանձնահատուկ գծերը, այդ պոեզիայի հետագա վերելքի սզողակների պրոբլեմը: Պատմականության ոգով գրված այս հողվածը, որ Կարինյանի գրական վաստակի ցայտուն էջերից է, վկայում է հեղինակի գեղագիտական մեծ էրույիցիայի մասին:

Ակադեմիկոս Կարինյանն անդրադարձել է հայ և ռուս գրական կապերի պատմությանը, բազմաթիվ փաստերով հանգել այն ճշմարտությանը, որ ռուս գրականությունն իր բարձր գաղափարականությամբ և հումանիստական ոգով մշտապես գրավել է հայ գրողներին, նպաստել հայ գրականության ու մշակույթի առաջընթացին: Առանձնահատուկ սիրով է գրականագետը կանգ առնում 60-ական թթ. գործիչների, Զերինյանի, Դոբրոլյուբովի, Նալբանդյանի գործունեության, նրանց գրական կապերի և առնչությունների հարցի վրա. «Ս. Նալբանդյանը և 60-ական թվականների ռուս առաջավոր գործիչները» հողվածում քննության է առնվում ռուսական հեղափոխական-դեմոկրատական հրապարակախոսության ազդեցության հարցը հայ հրապարակախոսական մտքի վրա:

Քաջածանոթ սովետական երկրի բազմազգ ժողովուրդների և եվրոպական երկրների գրականությանն ու մշակույթին, Կարինյանը նույն խորությամբ է գրում Ա. Ռադիշևի և Տ. Ծևչենկովի, Բայրոնի և Ստենդալի, Ռ. Ռոլանի ստեղծագործության մասին: Սակայն գրականագետի հետաքրքրասիրություններն այնուամենայնիվ հիմնականում մնում են ռուսական դասակարգային գրականության ոլորտներում: Նրան հավասարաշափ հարազատ են Պուշկինի պոեզիան և Գոգոլի արձակը, Նեկրասովի և Զեխովի, Գորկու և Զուկովսկու ստեղծած համամարդկային արժեքները:

Արտաշես Կարինյանի գրականագիտական հետազոտությունների մեջ առանձնահատուկ տեղ է գրավում Միքայել Նալբանդյանի ժառանգության գնահատականի հարցը: Այդ թեմային գիտնականն անդրադարձել է իր ստեղծագործական կյանքի գրեթե բոլոր փուլերում: Ականավոր նալբանդյանագետ Աշոտ Հովհաննիսյանի հետ միաժամանակ Կարինյանը մանրակրկիտ կերպով զբաղվել է Նալբանդյանի կյանքի տարեգրությամբ, ուսումնասիրել նրա աշխարհայացքի հիմնական ակունքները, հետազոտել Նալբանդյանի կենսագիրների ուսումնասիրությունները, նորովի ընթերցելով մեծ հրապարակախոսի կյանքի զանազան դրվագների սկզբնապատճառներն ու դրանց բուն էությունը:

1928 թ. տպագրված «Միքայել Նալբանդյան» ուսումնասիրությունում Կարինյանն առաջին անգամ հայ իրականության մեջ օգտագործում է Լեմկեի հրապարակումները և մեկնաբանում Նալբանդյանի հարցաքննության հետ կապված մի շարք խնդիրներ⁴: Կարինյանը փորձում է, հենվելով «իրական փաստերի, առարկայական փաստերի և ամենից առաջ հենց Նալբանդյանի և նրա ժամանակակիցների գրությունների անկողմնապահ տեսության և քննության վրա», ամաչառ լուսաբանել «իսկական և իրական Նալբանդյանի հասարակական դեմքը»: Հետաքրքրական այս ուսումնասիրության մեջ Կարինյանը քննության է առնում երեք հիմնական

³ Ա. Կարինյան, Դեմքեր և դեպքեր, 1928, էջ 252:

⁴ Տե՛ս նույն տեղում, էջ 53—137:

պրոբլեմ՝ Նալբանդյանի գործունեության առաջին, մախիջնական շրջանի մշակակության հարցը՝ նրա աշխարհայացքի ձևավորման գործում, Նալբանդյանի և Նազարյանի համագործակցության և նրանց աշխարհայացքային տարբերությունների խնդիրը, «Երկրագործությունը որպես ուղիղ ճանապարհ» աշխատության գնահատականը:

Նոր Նախիջևան քաղաքի հասարակական կյանքի ֆոնի վրա վերլուծության ենթարկելով Նալբանդյանի կյանքի վաղ շրջանի փաստերը, Կարինյանը քայլ առ քայլ ներկայացնում է երիտասարդ գործչի ապրած կյանքը: Նա ընդգծում է այն միտքը, որ Հ. Խալիբյանի, Ներսես կաթողիկոսի և ողջ աղայական կուսակցության դեմ վարած պայքարը Նալբանդյանին ավելի է կապում մանր արհեստավորական և դեմոկրատական խավերի հետ, որով և մեծապես պայմանավորվում է նրա գաղափարների հետագա էվոլյուցիան: Վճռական մշակակություն տալով Նախիջևանի առանձնահատուկ միջավայրի ազդեցությանը, Կարինյանը գրում է. «Նալբանդյանը, որ այդ պայքարի ամենամոծեղ և արմատական ղեկավարն էր, իր մղած պայքարի ընթացքում էլ ստանում է կամքի և հայեցողության այն ամրությունը, որ հետագայում դարձնում է նրան մալս «Հյուսիսափայլի» մարտնչող հրապարակագիր, իսկ քիչ հետո՝ «Երկրագործության» հեղինակ⁵:

Առանձնահատուկ ուշադրությամբ Ա. Կարինյանը քննում է տասնամյակներ շարունակ հայ բանասիրությանը զբաղեցրած Նալբանդյան-Նազարյանց պրոբլեմը: Ամեն բանից առաջ միմյանցից սահմանազատելով այն սոցիալական հիմքը, որն ուղղություն էր տալիս երկու հրապարակախոսների գործունեությանը, Կարինյանը հենց դրանով էլ բացատրում է նրանց «տարբեր վերաբերմունքը բոլոր մնացյալ խնդիրների, առանձնապես կենսական և այժմեական պրոբլեմների նկատմամբ»: Կրկին անգամ հաստատելով, որ տարբեր խառնվածքի այդ գործիչները «գաղազան մոտեցումով են լուսաբանել ժամանակակից իրականության երևույթները», Կարինյանը Նալբանդյանի մի շարք կենսագիրների կողմից նրա գործունեությունը հատկանշող բոլոր խառնվածքը, «կրթությունը» վերագրում է «նրա ընդհանուր մարտական աշխարհայեցողությանը»: Չանտեսելով երկու հրապարակախոսներին միմյանց հետ կապող ընդհանուր շահագրգռությունները, հայ ժողովրդի լուսավորությանը ծառայելու նրանց բոլոր ցանկությունների համատեղումը, Կարինյանն ապագա հեղափոխական-դեմոկրատի բոլոր քայլերը պայմանավորում է դեմոկրատական-աշխատավորական խավերի սոցիալ-տնտեսական պահանջներին ծառայելու նրա անեռուն ծրագրով:

Ա. Կարինյանն այնուհետև հիմնավորապես կանգ է առնում Նալբանդյանի գործունեության վերջին՝ արտասահմանյան ուղևորության, ռուսական հեղափոխական-դեմոկրատների հետ նրա ունեցած կապերի փուլի վրա: Այս բաժնում նույնպես, հենվելով պատմական հարուստ գրականության, Լեմկեի հրապարակած նյութերի վրա, Կարինյանը մշտն է այն հետևողականությունը, որով Նալբանդյանը «կարողացել է յուրօրինակ հմտությամբ շաղկապել Գեղեցիկ և Բակուցի ուրույն հայացքները կոնկրետ հայկական միջավայրի ինքնահատուկ պրոբլեմների հետ»: Այս առումով ուսումնասիրության մեջ հետաքրքրական է մախոդ նալբանդյանագետների տեսակետների քննությունը, տեսակետներ, որոնք կա՛մ միհիստորիկ մոտացության էին տալիս Նալբանդյան-հեղափոխականի դերը հայ հասարակական մտքի պատմության մեջ և կա՛մ, խոսելով Նալբանդյանի գործունեության վերջին շրջանի մասին, մոտացության էին մատնում «Հյուսիսափայլի» Նալբանդյանին:

«Երկրագործությունը որպես ուղիղ ճանապարհ» աշխատության հանգամանակից վերլուծությամբ Ա. Կարինյանը հստակորեն մշտն է Նալբանդյանի «հյուսիսափայլյան» շրջանի լուսավորական դեմոկրատական հայացքների էվոլյուցիան դեպի հեղափոխական դեմոկրատիզմը: Փաստերի մանրագնին վերլուծությամբ նա տեսանելի է դարձնում այն ճանապարհը, որը Նալբանդյանին տանում է համառոտական և էվրոպական հեղափոխական շարժումների ճակատը: Նալբանդյանի մեծությունը բացահայտող այս ուսումնասիրության մեջ է, որ Կարինյանն իրեն հեռու պահելով ամբողջ հարցն ապառկու մտքից, այն կարծիքն է հայտնում, որ Նալբանդյանի

‘կյանքի թե՛ սկզբնական շրջանը և թե՛ «նրա հասարակական պայքարի առանձին փուլերն այնքան բնորոշ և ուշագրավ են, որ պետք է դառնան առանձին և ավելի մանրակրկիտ քննության առարկա մեր դիմաներում գտնվող և տակավին չմշակված նյութերի հիման վրա»⁶:

1940-ական թթ. հետո Արտաշես Կարինյանն ամբողջովին նվիրվեց հայ պարբերական մամուլի պատմության ստեղծման գործին: 2ի կարելի ասել, իհարկե, թե անցյալներում հայ բանասերների կողմից փորձեր չեն եղել շարադրելու մեր պարբերական մամուլի թեկուզ առանձին հատվածների պատմությունը: Փորձեր եղել են: Հայ մամուլի պատմության հարցին առանձին ուսումնասիրություններով կամ զանազան աշխատություններում անդրադարձել են Գ. Գալեմբարյանը, Հարոն, Մ. Պոտուրյանը, Ալ. Երիցյանը, Լեոն և ուրիշներ: Հատուկ երախտագիտության արժանի է բանասեր Գարեգին Լևոնյանի աշխատանքը, որը գիտակցեց հայ պարբերական մամուլի մատենագիտական ցանկ ստեղծելու անհրաժեշտությունը՝ մամուլի պատմություն ստեղծելուց առաջ: Հայտնի է, որ Գ. Լևոնյանը մի ամբողջ ստեղծագործական կյանք է նվիրել այդ գործին, սերունդներին հրամցելով «Հայոց պարբերական մամուլը» մատենագիտական ցուցակը (1934): Լևոնյանի սկսածն արդեն կարելի էր շարունակել և այդ գործին ձեռնամուխ եղավ Արտաշես Կարինյանը:

Ակադեմիկոս Ա. Կարինյանի տարիների տքնաջան աշխատանքի արգասիքը երևան եկավ 1956 թ., երբ տպագրվեց նրա «Ակնարկներ հայ պարբերական մամուլի պատմության» մենագրության առաջին հատորը: 2-րդ հատորը լույս է տեսել 1960 թ.: Կատարված է հսկայական աշխատանք: Սեղանի վրա է Հնդկաստանի հայ գաղութում և եվրոպական երկրներում տպագրված հայ պարբերականների գիտական պատմությունը, որը ճամակողմանի իր ընդգրկումով նախօրինակը չունի: Գիտնականը շարունակում է աշխատանքները հեթական հատորների վրա:

Այսօր ամենայն վստահությամբ կարելի է հայտարարել, որ նախաստվետական շրջանի հայ պարբերական մամուլի պատմության ստեղծումը մոտակա տարիների հարց է արդեն: 2է՞ որ Ա. Կարինյանի իսկ նախաձեռնությամբ մեկ և կես տասնամյակ առաջ Հայաստանի գիտությունների ակադեմիայում ստեղծված հայ պարբերական մամուլի պատմության բաժինը (որի առաջին վարիչն էր Ա. Կարինյանը), պլանավորված աշխատանք է տանում այդ ուղղությամբ: Մեն գիտնականի մշակած հիմնական սկզբունքները, պատմության շարադրման ուրույն մեթոդոլոգիան, գործին անվերապահորեն նվիրվելու նրա օրինակը հզոր կովանքներ են երիտասարդ գիտնականների համար՝ շարունակելու այն կարևոր խնդիրը, ինչպիսին է հայ ժողովրդի մամուլի պատմության ստեղծումը:

Հայ ժողովրդի տաղանդավոր զավակը միշտ եղել է իր ժողովրդի առաջավոր մտածողների ջոկատում, նոր կյանքի համար պայքարող մարտիկների առաջին շարքերում: Նա մեն կրթով նետվել է գաղափարական պայքարի ասպարեզ և հակահարված տվել հակասովետական, դաշնակցական գրչակների հարձակումներին, իսկ երբ հասել է խաղաղ ստեղծագործական աշխատանքի պահ, տասնամյակների գիտական փորձն ի սպաս է դրել հայ ժողովրդի հոգևոր հարստության վերհանման և արժեքավորման գործին: Հիրավի, ակադեմիկոս Ա. Կարինյանի արգասալից կյանքը գրական և գիտական նոր սերնդին սխրանքների կոչող ազնիվ օրինակ է:

Մեր գիտական և գրական հասարակայնությունը գոհունակությամբ ընդունեց ՍԽՄ Գերագույն սովետի նախագահության հրամանագիրը՝ Հայաստանի գիտությունների ակադեմիայի ակադեմիկոս Արտաշես Բալասիի Կարինյանին, նրա ծննդյան 90-ամյակի առթիվ, Սոցիալիստական աշխատանքի հերոսի կոչում շնորհելու և Լենինի շքանշան ու «Մուրճ ու մանգաղ» ոսկե մեդալ հանձնելու մասին:

Մ. ՄԽԻԹ-ԱՐՅՈՒՆ